



অবিলম্বে প্রকাশের উদ্দেশ্যে: 10/25/2021

গভর্নর ক্যাথি হোকল

এ সপ্তাহকেয়েকটি অঞ্চলে ভারী বর্ষণ ও ঝড়ো হাওয়া আঘাত হানার আশংকা থাকায়  
আগে থেকেই গভর্নর হোকলের জরুরি অবস্থা ঘোষণা

**জাতীয় আবহাওয়া পরিষেবা (National Weather Service) আগামী দুই দিনে রাজধানী  
অঞ্চল, লং আইল্যান্ড, মিড-হাডসন, নিউ ইয়র্ক সিটি ও সাদার্ন টিয়ার অঞ্চলে  
উল্লেখযোগ্য মাত্রায় বৃষ্টিপাত হবে বলে পূর্বাভাষ দিয়েছে**

**নিউ ইয়র্কবাসীদেরকে মঙ্গলবার সকালে যাতায়াত করার আগে সতর্কতা অবলম্বন  
করতে এবং বিরূপ আবহাওয়া ও ভ্রমণের ক্ষেত্রে ঝুঁকিপূর্ণ অবস্থার জন্য আগাম  
পরিকল্পনা গ্রহণ করতে গভর্নর সনির্বন্ধ অনুরোধ জানিয়েছেন**

সোমবার সন্ধ্যার শেষ দিক থেকে শুরু করে বুধবার সকাল পর্যন্ত রাজধানী অঞ্চল, লং  
আইল্যান্ড, মিড-হাডসন, নিউ ইয়র্ক সিটি ও সাদার্ন টিয়ার অঞ্চলে ভারী বর্ষণ আঘাত হানার  
আশংকা থাকায় আগে থেকেই সোমবার সন্ধ্যায় গভর্নর ক্যাথি হোকল স্টেটজুড়ে দুর্যোগজনিত  
জরুরি অবস্থা ঘোষণা করেছেন। এসব অঞ্চলে মোট চার ইঞ্চি বা তার বেশি মাত্রায় বর্ষণ হতে  
পারে যেখানে একাধিক অঞ্চলে প্রতি ঘণ্টায় এক ইঞ্চির বেশি মাত্রার বৃষ্টিপাত হতে পারে বলে  
আশংকা করা হচ্ছে, যা হঠাৎ বন্যা তৈরি করার সম্ভাবনা রয়েছে।

ব্রঙ্কস, ব্রুম, শেনাঙ্গো, ডেলাওয়ার, গ্রিন, কিংস, মন্টগোমেরি, নাসাউ, নিউ ইয়র্ক, অরেঞ্জ,  
ওটসেগো, পাটনাম, কুইন্স, রিচমন্ড, রকল্যান্ড, স্কেনেকটেডি, স্কহারি, সাফোক, সালিভান, টিওগা,  
উলস্টার, ওয়েস্টচেস্টার, ও পার্শ্ববর্তী কাউন্টিগুলো এই ঘোষণার আওতাধীন রয়েছে।

"আমরা যাতে এই ঝড়ের প্রতি সাড়া দেয়ার জন্য প্রয়োজনীয় সংস্থানগুলো প্রদান করতে পারি  
এবং যেসব অঞ্চলে উল্লেখযোগ্য মাত্রায় বৃষ্টিপাত হওয়ার পূর্বাভাষ পাওয়া যাচ্ছে সেসব অঞ্চলে  
জীবন ও সম্পত্তি সুরক্ষিত রাখতে পারি তা নিশ্চিত করতে আমি আগে থেকেই স্টেটব্যাপী  
জরুরি অবস্থা ঘোষণা করছি," বলেছেন গভর্নর হোকল। "আমি নিউ ইয়র্কবাসীদের সামনের  
দিনগুলোর প্রত্যাশিত ঝড়ো আবহাওয়ার জন্য এখনি প্রস্তুতি নিতে উৎসাহিত করছি এবং  
নিত্যদিনের যাত্রীদের আগামীকাল সকালে প্রত্যাশিত ভারী বর্ষণ হওয়ার আগেই সতর্কতা  
অবলম্বন করতে সনির্বন্ধ অনুরোধ জানাচ্ছি।"

জাতীয় আবহাওয়া পরিষেবা আকস্মিক বন্যা পর্যবেক্ষণ (ফ্ল্যাশ ফ্লাড ওয়াচ) জারি করেছে যা  
বর্তমানে কয়েকটি অঞ্চলে মঙ্গলবার পর্যন্ত কার্যকর রয়েছে। আপনার এলাকার জন্য

আবহাওয়া সংক্রান্ত পরামর্শসমূহের পূর্ণাঙ্গ তালিকা পেতে, আপনার এলাকার জাতীয় আবহাওয়া পরিষেবার [ওয়েবসাইটে](#) দেখুন।

সোমবারের শুরুতে, গভর্নর হোকল [স্টেট পর্যায়ের সংস্থাগুলোকে](#) ক্ষতিগ্রস্ত অঞ্চলগুলোতে বরাদ্দ করার জন্য জরুরি সাড়াদানের সাথে সম্পর্কিত সম্পদ প্রস্তুত রাখতে নির্দেশ দিয়েছেন। সেসব সংস্থার তালিকা নিচে দেয়া হলো এবং তারা সতর্ক রয়েছে ও সাহায্য করতে প্রস্তুত রয়েছে।

## এজেন্সির প্রস্তুতি

### পরিবহন বিভাগ

স্টেটের পরিবহন বিভাগ নিম্নোক্ত অ্যাসেস্টগুলি সহ প্রস্তুতি নিয়েছে:

- 1,408টি বিশাল ডাম্প ট্রাক
- 300টি বিশাল লোডার
- ট্র্যাকযুক্ত ও চাকাযুক্ত 77টি এক্সক্যাভেটর
- 72টি চিপার
- 20টি গ্রেডার
- সিউয়ার জেটসহ 16টি ভ্যাকুয়াম ট্রাক
- 14টি ট্রি ক্লিয়ারিং ট্রাক

## থ্রুওয়ে কর্তৃপক্ষ

থ্রুওয়ে অথোরিটি ঝড়ো বাতাস সংক্রান্ত যেকোনো পরিস্থিতি মোকাবেলায় স্টেট জুড়ে 656 জন অপারেটর ও সুপারভাইজার, ছোট থেকে মাঝারি আকারের খননযন্ত্র, লাঙ্গল/ডাম্প ট্রাক, বড় লোডার এবং ভ্রাম্যমান VMS বোর্ড, ভ্রাম্যমান লাইট টাওয়ার, ছোট জেনারেটর, ছোট পাম্প ও সরঞ্জাম টানার ট্রেলার এবং যেকোনো ধরনের পথ ঘোরানো বা বন্ধের জন্য ট্রাফিক সাইন ও অন্যান্য ট্রাফিক নিয়ন্ত্রণ যন্ত্র নিয়ে পুরো স্টেটে বন্যা সমস্যার সমাধানের জন্য কর্মীরা প্রস্তুত আছেন। থ্রুওয়েতে মোটরচালকদের সতর্ক করতে বিভিন্ন রকমের বার্তার চিহ্ন, হাইওয়ে সতর্কতা রেডিও এবং সোশ্যাল মিডিয়া ব্যবহার করা হয়।

স্টেট ব্যাপী থাকা ইকুইপমেন্টের সংখ্যা নিম্নোক্তানুসারে:

- 228টি বিশাল ডাম্প ট্রাক
- 124টি ছোট ডাম্প ট্রাক
- 68টি লোডার
- 29টি ট্রেলার
- 8টি ভ্যাক ট্রাক
- 9টি ট্র্যাকড খননযন্ত্র

- 10টি হুইলড এক্সক্যাভেটর
- 9টি ব্রাশ চিপার্স
- 100টি চেইনস
- 25টি এরিয়াল ট্রাক
- 23টি স্কিড স্টিয়ার
- 87টি বহনযোগ্য জেনারেটর
- 70টি বহনযোগ্য লাইট ইউনিট

থ্রুওয়ে অথরিটির [মোবাইল অ্যাপ](#) বিনামূল্যে ডাউনলোড করতে মোটোরিস্টদের উৎসাহ দেওয়া হচ্ছে, যা [iPhone](#) এবং [Android](#) ডিভাইসে পাওয়া যাবে। অ্যাপের মাধ্যমে মোটোরিস্টরা রাস্তায় থাকার সময় লাইভ ট্রাফিক ক্যামেরা, রিয়েল-টাইম তথ্য ও নেভিগেশন সংক্রান্ত সহায়তায় সরাসরি অ্যাক্সেস পাবেন। এছাড়াও গাড়িচালকরা [ট্রান্সঅ্যালার্ট \(TRANSAlert\)](#) ইমেইলের জন্য সাইন-আপ করতে পারেন, যা থ্রুওয়ের সর্বশেষ ট্র্যাফিক পরিস্থিতির তথ্য প্রদান করে, টুইটারে [@ThruwayTraffic](#) অনুসরণ করতে পারেন বা [thruway.ny.gov](#) এ যেতে পারেন যেখানে তারা থ্রুওয়ে ও নিউ ইয়র্ক স্টেটের অন্যান্য রাস্তার ট্র্যাফিক পরিস্থিতি প্রদর্শনকারী একটি ইন্টারেক্টিভ মানচিত্র দেখতে পারবেন।

## স্বদেশের নিরাপত্তা ও জরুরী পরিষেবা বিভাগ (Division of Homeland Security and Emergency Services)

ডিভিশনের অফিস অফ এমার্জেন্সি ম্যানেজমেন্ট (Office of Emergency Management) ঘনিষ্ঠভাবে আবহাওয়ার অবস্থা পর্যবেক্ষণ করছে এবং এর এমার্জেন্সি অপারেশন সেন্টার (Emergency Operations Center) বর্তমানে সক্রিয় রয়েছে। বিভাগটি যেকোনো প্রয়োজনীয় রাষ্ট্রীয় এজেন্সির প্রতিক্রিয়া ক্রিয়াকলাপ সমন্বয় করবে এবং আগামী দিনগুলিতে স্থানীয়দের সাথে যোগাযোগ রাখবে। সেইসাথে, বিভাগটির অগ্নি প্রতিরোধ ও নিয়ন্ত্রণ অধিদপ্তর (Office of Fire Prevention and Control) নিউ ইয়র্ক স্টেট টাস্ক ফোর্স-2 (NY-TF2), স্টেটের আরবান সার্চ এন্ড রেসকিউ টিম (Urban Search and Rescue team) নিযুক্ত করা সহ বন্যার্তদের উদ্ধারের জন্য স্টেট পর্যায়ের সংস্থাগুলোর সম্পদ সাড়াদানের জন্য সমন্বয় করতে প্রস্তুত রয়েছে। OFPC-এর NY-TF2 এবং স্টেট এজেন্সির সুইফ্ট জলের রেসকিউ টিমগুলি স্থানীয় প্রতিক্রিয়া ক্ষমতার পরিপূরক এবং সহায়তা করার জন্য উদ্ধারকারী নৌকা এবং উচ্চ-অ্যাক্সেলের যানবাহন পরিচালনাকারী সুইফ্ট-ওয়াটার রেসকিউ টেকনিশিয়ানদের মোতায়েন করতে সক্ষম।

## পরিবেশ সংরক্ষণ বিভাগ (Department of Environmental Conservation)

DEC পরিবেশ সংরক্ষণ পুলিশ অফিসার, ফরেস্ট রেঞ্জার্স, আপেক্ষিক ম্যানেজমেন্ট স্টাফ এবং আঞ্চলিক স্টাফরা সতর্ক থাকবেন এবং পরিবর্তিত পরিস্থিতিতে নজর রাখবেন এবং খারাপ আবহাওয়ার দরুন ক্ষতিগ্রস্ত হওয়ার সম্ভাবনা রয়েছে এরকম এরিয়া এবং অবকাঠামোগুলিতে তারা টহলদারি চালাবেন। সুইফ্ট ওয়াটার রেসকিউ টিম সহ সমস্ত উপলভ্য অ্যাসেট আপেক্ষিক পরিস্থিতিতে সাহায্য করার জন্য মোতায়েন করা হয়েছে।

## পার্ক, বিনোদন ও ঐতিহাসিক সংরক্ষণ দপ্তর (Office of Parks, Recreation and Historic Preservation)

নিউ ইয়র্ক স্টেট পার্ক পুলিশ এবং পার্কের পার্সোনেলরা সতর্ক আছে এবং আবহাওয়া পরিস্থিতি এবং তার পরিণামের উপর কড়া নজর রাখছেন। পার্কের দর্শনার্থীদের নজর রাখা উচিত। parks.ny.gov বা পার্কের সময়, খোলা ও বন্ধের ব্যাপারে সর্বশেষ তথ্যের জন্য তাদের স্থানীয় পার্ক অফিসে কল করা উচিত।

## জনসেবা বিভাগ (Department of Public Service)

নিউ ইয়র্কের ইউটিলিটিগুলিতে রাজ্য জুড়ে ক্ষয়ক্ষতি মূল্যায়ন, প্রতিক্রিয়া, মেরামত এবং পুনরুদ্ধারের প্রচেষ্টার জন্য আনুমানিক 5,500 জন কর্মী উপলব্ধ। ডিপার্টমেন্ট অফ পাবলিক সার্ভিসের (Department of Public Service) কর্মীরা ঝড়ের সময় ইউটিলিটিগুলির কাজ ট্র্যাক করবে এবং নিশ্চিত করবে যে ইউটিলিটিগুলি সবচেয়ে বেশি প্রভাবিত অঞ্চলে উপযুক্ত কর্মীদের স্থানান্তর করবে।

## নিউ ইয়র্ক স্টেট পুলিশ

স্টেট পুলিশ (State Police) ক্ষতিগ্রস্ত এলাকাগুলিতে প্রয়োজন অনুযায়ী অতিরিক্ত ট্রুপার মোতায়েন করতে প্রস্তুত। চার চাকার যানবাহন, এবং ইউটিলিটি টাঙ্ক যানবাহন সহ বিশেষভাবে তৈরি স্টেট পুলিশের সমস্ত গাড়ী অবিলম্বে সহায়তার জন্য তৈরি এবং প্রস্তুত রয়েছে। সকল ট্রুপ, জরুরি শক্তি এবং যোগাযোগ সরঞ্জাম পরীক্ষা করা হয়েছে।

## নিউ ইয়র্ক পাওয়ার অথরিটি (New York Power Authority, NYPA) / ক্যানাল কর্পোরেশন (Canal Corporation)

নিউ ইয়র্ক পাওয়ার অথরিটি এবং নিউ ইয়র্ক স্টেট ক্যানাল কর্পোরেশন পরিস্থিতি পর্যবেক্ষণ করছে এবং সমস্ত সম্পদগুলিকে প্রস্তুত করছে। NYPA এবং ক্যানালসের প্রতিনিধিরা রাজ্য, কাউন্টি এবং স্থানীয় জরুরি কর্মীদের সাথে ঘনিষ্ঠ যোগাযোগে রয়েছেন। প্রয়োজনে NYPA ট্রান্সমিশন এবং অন্যান্য কর্মীদের সহায়তা করতে পাঠানোর জন্য NYPA প্রস্তুত রয়েছে। ক্যানাল কর্পোরেশন নোটিশ টু মেরিনার্স অ্যালাটের মাধ্যমে জনসাধারণকে প্রয়োজন অনুযায়ী আপডেট করবে। জনসাধারণের সদস্যরা এখানে এই নোটিশগুলি পেতে সাইন আপ করতে পারেন।

## মেট্রোপলিটন ট্রান্সপোর্টেশন অথরিটি

মেট্রোপলিটন ট্রান্সপোর্টেশন অথরিটি (Metropolitan Transportation Authority, MTA) তার পরিবহন নেটওয়ার্ক রক্ষা করতে এবং নিরাপদ সেবা প্রদানের জন্য প্রয়োজনীয় সকল সতর্কতা অবলম্বন করছে। মেট্রোপলিটন ট্রান্সপোর্টেশন এজেন্সিগুলি এক সঙ্গে ঘনিষ্ঠভাবে কাজ করছে, স্থানীয় অংশীদারদের সাথে সমন্বয় করে পরিকল্পনা তৈরি করতে যদি পরিষেবা প্রভাবিত

হয়। MTA কমিউটার রেলরোড, সাবওয়ে, এবং এজেন্সির সেতু এবং টানেল জুড়ে প্রয়োজনীয় ব্যাকআপ সরঞ্জাম আগে থেকে স্থাপন করছে। সাবওয়েতে, রক্ষণাবেক্ষণের কর্মীরা বন্যপ্রবণ এলাকাগুলিতে ট্র্যাক ড্রেনগুলি পরিদর্শন করছেন এবং ট্র্যাক পাম্প এবং ঝড়ের বাস্তুগুলি স্টেজ করছেন।

ভারী বৃষ্টি এবং হাওয়ার সময় যাতায়াত করার ক্ষেত্রে MTA গ্রাহকদের অতিরিক্ত সতর্কতা নিতে উৎসাহ দিচ্ছে। এতে রয়েছে যাতায়াতের জন্য বাড়তি সময় নেওয়া, প্ল্যাটফর্ম এবং সিঁড়ি দিয়ে হাঁটার সময় বাড়তি সতর্কতা অবলম্বন করা, পিচ্ছিল অবস্থা সম্পর্কে সতর্ক থাকা, এবং মাথার উপরে থাকা গাছপালা বা তারের ব্যাপারে সতর্ক থাকা।

## বন্দর কর্তৃপক্ষ (Port Authority)

পোর্ট অথরিটিও আবহাওয়া পরিস্থিতির উপর নজর রাখছে। ব্রিজ, সর্বোপরি রোডওয়ে বরাবর এবং ক্রসিংগুলিতে গতির উর্ধ্বসীমা বেঁধে দেওয়া হতে পারে। বিলম্ব এবং বাতিলকরণের ব্যাপারে সর্বশেষ তথ্যের জন্য ক্যারিয়ার এবং এয়ারলাইনের সাথে সরাসরি যোগাযোগ করতে পোর্ট অথরিটির ফেসিলিটি থেকে যাত্রীদের উৎসাহ দেওয়া হচ্ছে। পোর্ট অথরিটি সুবিধা সম্পর্কে সর্বশেষ তথ্যের জন্য, অনুগ্রহ করে সোশ্যাল মিডিয়া চেক করুন, PA এলাট-এর জন্য সাইন আপ করুন অথবা PA মোবাইল অ্যাপগুলির মধ্যে একটি ডাউনলোড করুন।

## নিরাপত্তা সংক্রান্ত পরামর্শ

তীব্র আবহাওয়ার জন্য প্রস্তুত হন:

- আপনি যেখানে বসবাস করেন সেখানের কাউন্টি এবং নিকটবর্তী শহরগুলির নাম জানুন। গুরুতর আবহাওয়ার সতর্কতা কাউন্টির ভিত্তিতে জারি করা হয়।
- আপনার বাড়ি বা ব্যবসা প্রতিষ্ঠান থেকে নিরাপদ রুট সম্পর্কে জেনে রাখুন, যদি নিরাপদ স্থানে আপনার তাড়াতাড়ি চলে যেতে হয়।
- নিরাপদ জায়গায় সরে যাওয়ার পরামর্শ দেওয়া হলে, তা অবিলম্বে পালন করুন। শুধু অপরিহার্য জিনিসপত্র এবং সম্ভব হলে পোষা প্রাণীদের সঙ্গে নিন।
- 'পরিবারসহ পলায়নের' একটি পরিকল্পনা প্রস্তুত এবং অনুশীলন করুন এবং পরিবারের সদস্যরা পৃথক হয়ে গেলে দেখা করার একটি নির্দিষ্ট স্থান চিহ্নিত করে রাখুন।
- ঝড়ের সময়ে গাড়ি চালানো অথবা ঘরের বাইরে যাওয়া থেকে বিরত থাকুন। বন্যা ও ক্ষতিকর ঝড়ো হাওয়া ভ্রমণকে বিপজ্জনক করে তুলতে পারে।
- যদি আপনাকে বাধ্য হয়ে ঘরের বাইরে যেতে হয়, তাহলে প্রবহমান পানির মধ্যে হাঁটবেন না। দ্রুত প্রবহমান ছয় ইঞ্চি উচ্চতার স্রোত আপনাকে ধাক্কা দিয়ে ফেলে দিতে পারে।
- যদি আপনাকে বাধ্য হয়ে গাড়ি চালাতে হয়, তাহলে মনে রাখবেন: "ঘুরে যান, ডুবে যাবেন না!" বন্যায় ডুবে যাওয়া রাস্তা দিয়ে গাড়ি চালাবেন না কারণ মাত্র দুই ফুট উচ্চতার প্রবহমান পানি গাড়ি ভাসিয়ে নিয়ে যেতে পারে। যদি আপনার গাড়ি

দ্রুত প্রবহমান পানিতে আটকা পড়ে যায়, তাহলে গাড়ির ভেতরেই থাকুন। যদি গাড়ির মধ্যে পানির উচ্চতা বাড়তে থাকে, তাহলে ছাদে আশ্রয় নিন। রাস্তার প্রতিবন্ধক বরাবর গাড়ি চালাবেন না।

দুর্যোগকালীন অত্যাৱশ্যক সামগ্রীগুলি নাগালের মধ্যে রাখুন, যার মধ্যে রয়েছে:

- টর্চলাইট এবং অতিরিক্ত ব্যাটারি
- ব্যাটারি চালিত রেডিও এবং অতিরিক্ত ব্যাটারি
- ফার্স্ট এইড কিট এবং ম্যানুয়াল
- জরুরি খাদ্য ও পানি
- অ-বৈদ্যুতিক ক্যান ওপেনার
- অত্যাৱশ্যক ওষুধ
- চেকবুক, নগদ, ক্রেডিট কার্ড, এটিএম কার্ড

বিদ্যুৎ বিভ্রাট হলে নিউইয়র্কবাসীদের উচিত:

- বড় ধরনের অ্যাপ্লায়েন্স ও অন্যান্য সরঞ্জাম, যেমন কম্পিউটার বন্ধ করে রাখুন অথবা সংযোগ বিচ্ছিন্ন করে রাখুন, কারণ হঠাৎ করে বিদ্যুতের ভোল্টেজ বেড়ে যাওয়ায় এসব ডিভাইসের ক্ষতি হতে পারে। একটি আলো চালু রাখুন যাতে কখন বিদ্যুৎ ফিরে আসে তা আপনি জানতে পারেন। আপনি যেখানে ইলেকট্রনিক সরঞ্জাম ব্যবহার করেন সেখানে সার্জ প্রোটেক্টর ব্যবহার করার কথা বিবেচনা করুন।
- বিভ্রাট সম্পর্কে অবহিত করার জন্য আপনার ইউটিলিটি সেবা প্রদানকারীকে ফোন করুন এবং আনুষ্ঠানিক তথ্যের জন্য স্থানীয় সম্প্রচার শুনুন। ইউটিলিটি সংস্থাগুলোর একটি তালিকা পেতে নিউ ইয়র্ক স্টেট ডিপার্টমেন্ট অব পাবলিক সার্ভিসে ভিজিট করুন।
- আপনার প্রতিবেশীদের বিদ্যুৎ আছে কিনা চেক করুন। অ্যাক্সেস বা কার্যকরী প্রয়োজন আছে এমন লোকেদের খবর নিন।
- জরুরি আলোর ব্যবস্থার জন্য শুধু ফ্ল্যাশলাইট ব্যবহার করুন - মোমবাতি থেকে আগুন ধরে যাওয়ার ঝুঁকি রয়েছে।
- রেফ্রিজারেটর ও ফ্রিজারের দরজা বন্ধ রাখুন - ফ্রিজে রাখা আবশ্যিক এমন অধিকাংশ খাবারই বন্ধ ফ্রিজে কয়েক ঘণ্টা ধরে নিরাপদে রাখা যায়। একটি না খোলা রেফ্রিজারেটর প্রায় চার (4) ঘণ্টার জন্য খাবারকে ঠান্ডা রাখবে। একটি সম্পূর্ণ ফ্রিজার তাপমাত্রাকে প্রায় 48 ঘণ্টা ধরে রাখবে।
- ঘরের ভেতরে কয়লার গ্রিল ব্যবহার করবেন না এবং তাপের জন্য গ্যাস স্টোভ ব্যবহার করবেন না - এগুলো থেকে ক্ষতিকর মাত্রার কার্বন মনোক্সাইড উৎপন্ন হতে পারে।
- ঠাণ্ডা আবহাওয়ায় কয়েক স্তর পোশাক পরিধান করে এবং ঘরের বাইরে সময় কাটানো কমিয়ে আনার মাধ্যমে উষ্ণ থাকুন। ঠান্ডা চাপের উপসর্গ (অর্থাৎ,

হাইপোথার্মিয়া) সম্পর্কে সচেতন থাকুন এবং উপসর্গ দেখা দিলে যথাযথ চিকিৎসা করান।

- যদি আপনি কোনো উঁচু ভবনে থাকেন, তাহলে সিঁড়ি ব্যবহার করে ভবনের সবচেয়ে নিচের তলায় নেমে যান। লিফটে আটকে পরে থাকলে সাহায্যের জন্য অপেক্ষা করুন। জোর করে দরজা খোলার চেষ্টা করবেন না। ধৈর্য ধরুন - অনেক বাতাস রয়েছে এবং লিফটের ভিতরটি যাত্রীদের সুরক্ষার জন্য তৈরি করা হয়েছে।
- আপনার পোষা প্রাণীদের তাজা, ঠাণ্ডা পানি প্রদান করতে ভুলবেন না।
- অপ্রয়োজনীয় ভ্রমণ পরিহার করুন, বিশেষ করে গাড়ির মাধ্যমে বিভ্রাটের সময় ট্র্যাফিক সিগন্যালগুলি কাজ করবে না, যার ফলে যানজট এবং বিপজ্জনক গাড়ি চালানোর অবস্থা তৈরি হবে। আপনাকে যদি ব্ল্যাকআউটের সময় গাড়ি চালাতেই হয়, 4-ওয়ে স্টপ নিয়ম মেনে কলার কথা মনে রাখুন কাজ-না-করা ট্র্যাফিক সিগন্যাল সহ মোড়গুলিতে।
- মনে রাখবেন যে অটোমেটেড টেলার মেশিন (ATM) ও এলিভেটরের মতো সরঞ্জামগুলো কাজ নাও করতে পারে।

নিরাপত্তা সংক্রান্ত আরো পরামর্শের জন্য নিউ ইয়র্ক স্টেটের ডিভিশন অব হোমল্যান্ড সিকিউরিটি অ্যান্ড ইমার্জেন্সি সার্ভিসেস এর নিরাপত্তা পরামর্শ ওয়েবপেইজ দেখুন [এখানে](#)।

###

আরো সংবাদ পাওয়া যাবে এখানে [www.governor.ny.gov](http://www.governor.ny.gov) -এ  
নিউ ইয়র্ক স্টেট | এক্সিকিউটিভ চেম্বার | [press.office@exec.ny.gov](mailto:press.office@exec.ny.gov) | 518.474.8418

[আনসাবস্কাইব করুন](#)